



**NOGOMETNI / FUDBALSKI SAVEZ  
BOSNE I HERCEGOVINE**

**PROPozICIJE**  
**takmičenja Premijer omladinske lige BiH U-15 i U-17**  
**takmičarska 2020/2021. sezona**

Juni/Lipanj 2020. god.

Na osnovu člana 35. Statuta Nogometnog/Fudbalskog saveza Bosne i Hercegovine, Izvršni odbor NS/FS BiH, na sjednici održanoj u Sarajevu, 30.06.2020. godine, d o n o s i

## **PROPOZICIJE**

### **takmičenja Premijer omladinske lige BiH U-15 i U-17 takmičarska 2020/2021. sezona**

#### **OPŠTE ODREDBE**

##### **Član 1.**

Učesnici takmičenja u Premijer omladinskoj ligi BiH U-15 i U-17 (pioniri i kadeti), u takmičarskoj sezoni 2020/21. godini, je 12 klubova, čiji seniori u istoj takmičarskoj sezoni učestvuju u takmičenju BH Telecom Premijer lige BiH.

##### **Član 2.**

Takmičenjem u Premijer omladinskoj ligi BiH U-15 i U-17, rukovodi Komitet za takmičenje NS/FS BiH, (u nastavku teksta Komitet), u saradnji sa Sektorom za sport NS/FS BiH.

##### **Član 3.**

Takmičenje u Premijer omladinskoj ligi BiH U-15 i U-17, obuhvata dva dijela koji su međusobno uslovljeni i oba se provode po dvostrukom bod sistemu, a prema Kalendaru takmičenja, koji na prijedlog Komiteta donosi Izvršni odbor NS/FS BiH.

Odluku o izmjenama, od strane Izvršnog odbora NS/FS BiH usvojenog kalendar takmičenja, u slučaju vanrednih okolnosti (vanrednog stanja, stanja elementarne nepogode, promjena u kalendaru međunarodnih takmičenja/natjecanja ili drugih odluka FIFA-e i UEFA-e), donosi Komitet na prijedlog Sektora za sport NS/FS BiH.

Raspored odigravanja prvenstvenih utakmica prvog dijela takmičenja (22 kola) određen je žrijebom suprotno od žrijeba seniora Premijer lige BiH.

Nakon odigrana 22 (dvadesetdva) prvenstvena kola takmičenja u obje lige (U-15 i U-17), te postignutih ukupnih rezultata, u skladu sa članom 46. Pravilnika o nogometnim/fudbalskim takmičenjima NS/FS BiH, formira se jedinstvena tabela prvog dijela takmičenja (iz obje lige) kao osnova za drugi dio prvenstvenog takmičenja.

U drugom dijelu nastavka takmičenja (dodatnih 10 kola), na osnovu utvrđenih rezultata iz jedinstvene tabele prvog dijela vrši se formiranje dvije lige od po šest klubova u oba takmičenja (U-15 i U-17), zavisno od plasmana na konačnoj tabeli prvog dijela, i to Elitna liga i Razvojna liga.

Elitnu ligu formiraju klubovi, kao grupnu fazu, koji su ostvarili takmičarski rezultat (redosljed) od 1. do 6. mjesta na jedinstvenoj konačnoj tabeli nakon završetka prvog dijela takmičenja.

Ligu za ostanak formiraju klubovi koji su ostvarili takmičarski rezultat (redosljed) od 7. do 12. mjesta na jedinstvenoj konačnoj tabeli nakon završetka prvog dijela takmičenja.

Klubovi koji su nastavili takmičenje u grupnoj fazi kroz Elitnu ligu i Razvojnu ligu, prenose sve svoje takmičarske rezultate (žute i crvene kartone) iz jedinstvene konačne tabele prvog dijela prvenstva kao polaznu osnovu za nastavak takmičenja u grupnoj fazi takmičenja.

Ukoliko dva ili više klubova (ekipa) imaju isti broj bodova na mjestima jedinstvene konačne tabele koja obezbjeđuje takmičenje u Elitnoj ligi ili Razvojnoj ligi, plasman se određuje na osnovu dodatne pomoćne tabele, na osnovu rezultata koje su u međusobnim susretima ostvarili klubovi sa jednakim brojem bodova. Plasman na dodatnoj pomoćnoj tabeli utvrđuje se zbirom osvojenih bodova, osvojenih u oba dijela prvenstva.

Ako je zbir osvojenih bodova jednak, odlučuje razlika između datih i primljenih pogodaka/golova, s tim što pogodak/gol u gostima vrijedi dvostruko. Ako je razlika i tu jednaka

odlučuje veći broj postignutih pogodaka/golova, a ako je i to jednako odlučuje ukupna gol razlika u prvom dijelu takmičenja svih klubova (ekipa), ako je i to isto odlučuje se žrijebom.

Raspored drugog dijela takmičenja po ligama, utvrđuje se posebno za svaku ligu na osnovu utvrđenih rezultata klubova iz jedinstvene tabele i mjesta na kome se nalazi klub u formiranoj ligi, uz primjenu Bergerovih tablica, gdje je svaki klub u ligi jednom domaćin i jednom gost, u skladu sa Kalendarom takmičenja NS/FS BiH za takmičarsku godinu.

U svim dijelovima takmičenja klubovi za pobjedu osvajaju 3 (tri) boda, a neriješen rezultat 1 (jedan) bod, dok za poraz klub nema bodova.

Nakon odigranih 10 (deset) prvenstvenih kola drugog dijela takmičenja po ligama, utvrđuje se konačan plasman klubova na tabeli, za svaku od liga.

#### **Član 4.**

Utakmice traju 2x35 minuta (pioniri), i 2x45 minuta (kadeti).

Odmor između dva dijela igre traje minimalno 10, a maksimalno 15 minuta.

#### **Član 5.**

klubovi su obavezni da u roku od 10 (deset) dana prije termina žrijeba Odjelu za domaća takmičenja / natjecanja dostave slijedeće:

- naziv stadiona na kojem će se igrati utakmice, primljenog od nadležne komisije
- naziv alternativnog (rezervnog) stadiona primljenog od nadležne Komisije,
- mjesto i vrijeme odigravanja utakmica (subota ili nedjelja zavisno kada igra seniorski tim),
- boja dresova (osnovna i rezervna).

Klubovi su dužni da 15 (petnaest) dana prije početka prvenstva u Odjel za ligaška takmičenja/natjecanja NS/FS BiH, dostaviti plan organizacije utakmica, odobren od strane nadležne lokalne institucije, a u vezi sa procedurama propisanim zbog pandemije Covid-19.

#### **Član 6.**

Dva posljednja prvenstvena kola oba dijela takmičenja igraju se istog dana i u isto vrijeme.

Izuzetno od prethodnog stava, Komitet može utvrditi i drugi termin odigravanja utakmice, samo u slučaju da ista nema rezultatski značaj i ishod iste ne utiče na plasman na tabeli.

### **PROMJENA TERMINA ODIGRAVANJA UTAKMICA**

#### **Član 7.**

Ukoliko klubovi iz objektivnih razloga traže promjenu termina odigravanja utakmica u odnosu na prijavljeni termin igranja, zahtjev treba dostaviti Komitetu najmanje 8 (osam) dana prije odigravanja utakmice. Za promjenu termina, ukoliko se utakmica odigrava u radni dan, neophodna je saglasnost protivničkog kluba.

U slučaju kada zahtjev za promjenu termina nije podnesen u skladu sa prethodnim stavom, Komitet može promijeniti termin utakmice samo ukoliko je klub koji traži promjenu termina dostavio i pismenu saglasnost drugog kluba, što je moguće prije, a najkasnije tri (3) dana prije utvrđenog termina utakmice.

Kada je došlo do promjene termina utakmice, Komitet će donijeti odluku da se ona odigra u prvom slobodnom terminu (ako su prestali razlozi zbog koje je utakmica odgođena), pod uvjetom da svaki klub ima najmanje dva slobodna dana između odigravanja dvije utakmice.

Komitet može u opravdanim slučajevima, ili u pismenom dogovoru klubova, odobriti izmjenu dana i satnice odigravanja pojedinih utakmica.

Klub domaćin koji zbog razloga više sile ne može odigrati utakmicu na svom terenu ili odobrenim i prijavljenim terenima, dužan je najkasnije 8 (osam) dana prije navedene utakmice, odrediti mjesto i stadion gdje će biti domaćin utakmice i u pismenoj formi obavijestiti Komitet. U izuzetnim slučajevima, o čemu odlučuje Komitet, rok prijave se može skratiti na 3 (tri) dana.

Klubovi u takmičenju Premijer omladinske lige BiH U-15 i U-17 imaju pravo na odlaganje prvenstvene utakmice, ukoliko je iz njihove ekipe pozvano tri (3) ili više igrača za sastav reprezentacije BiH, „U-15“ i „U-17“, s tim što se odgađa i utakmica pionira ukoliko se iz naprijed navedenog osnovanog razloga odgađa utakmica kadeta i obratno.

## **DUŽNOSTI KLUBOVA**

### **Član 8.**

Klub domaćin je obavezan za obje utakmice (pioniri i kadeti) pripremiti svlačionice i teren za igru, a odluku o pogodnosti terena donosi isključivo sudija utakmice.

### **Član 9.**

Klubovi su dužni doći na stadion odigravanja utakmice 60 minuta prije početka.

### **Član 10.**

Klub domaćin obavezan je da delegatu utakmice stavi na raspolaganje računar sa internet konekcijom i štampač, te da pruži svu neophodnu pomoć u sastavljanju zapisnika. Takmičenje se administrativno vodi kroz COMET informacioni sistem. Klubovi su dužni da najkasnije 45 minuta prije početka utakmice, dostave delegatu na propisanom obrascu, spisak igrača i službenih lica koja će nastupati na utakmici. Sve osobe, igrači i službena lica, sa dostavljenog propisanog obrasca za utakmicu, moraju biti licencirana od strane NS/FS BiH i registrovana u Comet-u.

U slučaju da sistem Comet nije u funkciji vođenje zapisnika sa utakmice se radi ručno, na za to propisanom obrascu, a naknadno će delegat u sistemu Comet napraviti zapisnik. Ručni zapisnik piše se u četiri primjerka i potpisuju ga delegat, sudija i predstavnici klubova.

### **Član 11.**

Klub domaćin je obavezan na svim utakmicama postaviti na jarbole: državnu zastavu Bosne i Hercegovine, zastavu NS/FS BiH, a mogu se postaviti klupske, entitetske zastave, zastave županija/kantona/područja, zastava fair playa. Istaknute zastave moraju biti istih dimenzija.

Postavljanje drugih zastava nije dozvoljeno, a u slučaju njihovog postavljanja, klub će snositi disciplinske sankcije.

### **Član 12.**

Klub domaćin je dužan da preduzme sve mjere u cilju obezbjeđenja ličnosti: članova gostujuće ekipe i službenih lica prije utakmice, za vrijeme odigravanja utakmice i po završetku utakmice, sve do napuštanja stadiona i mjesta odigravanja utakmice.

Domaći klub je, također, dužan da obezbijedi odgovarajuću dežurnu redarsku službu dovoljnim brojem redara, te prisustvo pripadnika policije, ljekara, vozila hitne pomoći i 2-4 lica sa nosilima i dovoljan broj sakupljača lopti (najmanje 6).

Klub-domaćin je obavezan nadležnoj policijskoj upravi prijaviti mjesto i vrijeme odigravanja utakmice, te druge relevantne podatke. na zahtjev policijske uprave.

Bez pripadnika policije, vozila za hitnu pomoć i ljekara, utakmica se neće igrati.

Za propuste u organizaciji utakmice klubovi će snositi takmičarske i disciplinske posljedice prema važećim propisima NS/FS BiH.

### **Član 13.**

Za vrijeme odigravanja prvenstvenih utakmica u stadionu, pored terena za igru, u tehničkom prostoru mogu se nalaziti slijedeća licencirana lica, koja moraju biti prikladno odjevena:

1. predstavnik kluba,
2. glavni trener, U-17 selekcije, koji posjeduje najmanje trenersku UEFA A ili UEFA A Elite Youth licencu, odnosno U-15 selekcije koji posjeduje najmanje UEFA B licencu
3. pomoćni trener, koji posjeduje najmanje trenersku UEFA B licencu,
4. igrači u sportskoj opremi sa markerima,
5. ljekar kluba,
6. fizioterapeut.

Predstavnik kluba, glavni trener ili pomoćni trener ne mogu biti ista osoba.

Sva službena lica klubova moraju imati validne licence evidentirane u Comet sistemu. Po završenom procesu licenciranja, službena lica klubova moraju biti registrovana u Comet-u od strane Odjela za ligaška takmičenja/natjecanja, odnosno Centra za edukaciju kada su u pitanju treneri.

Validnost evidentiranih licenci i identitet lica mogu kontrolisati samo subjekti koji su ih i izdali i delegat na utakmici. Identitet osoba iz zapisnika utvrđuje se na osnovu fotografije iz Comet-a.

Osobe sa spiska prijavljenih lica koje nisu registrovane u Comet-u, za funkciju koju obavljaju na utakmici, i/ili im validna licenca nije unešena u Comet, ne mogu se nalaziti u tehničkom prostoru, osim zamjenskih igrača za koje važe odredbe člana 16. Propozicija takmičenja.

## **KALENDAR TAKMIČENJA**

### **Član 14.**

Raspored odigravanja utakmica objavljuje Komitet u saradnji sa Sektorom za sport NS/FS BiH putem web stranice, i to najkasnije 15 dana prije početka takmičenja.

Raspored odigravanja utakmica nalazi se u Comet-u i sadrži mjesto igranja, takmičarski par i dan sa satnicom odigravanja utakmica, te obavezuje klubove da u skladu s tim odigraju utakmicu.

Utakmice POL BiH U-15 i U-17 igraju se subotom i nedjeljom, ovisno od toga kada kao domaćin igra seniorski tim. Utakmice koje se igraju tokom sedmice igraju se srijedom.

### **Član 15.**

U slučaju nastanka štete, odgovoran je klub domaćin, koji oslobađa NS/FS BiH svih zahtjeva za naknadu štete nastalu organizacijom utakmice.

## **IDENTITET IGRAČA**

### **Član 16.**

Na prvenstvenim utakmicama mogu nastupiti samo igrači čiji je identitet utvrđen putem fotografije iz Comet sistema, a u slučaju da Comet nije u funkciji, identitet će se utvrditi na osnovu javne isprave: lične karte ili pasoša, odnosno štampane ID Comet kartice. Igraču sa neadekvatnom pohranjenom fotografijom u Cometu (kada je nemoguće utvrditi identitet), delegat utakmice neće dozvoliti nastup na utakmici.

Identitet se u pravilu utvrđuje prije početka utakmice.

Za igrače koji su zakasnili na početak utakmice, odnosno na početak drugog dijela, a upisani su u zapisnik sa utakmice, identitet se utvrđuje za vrijeme odmora između dva dijela igre i neposredno po završetku utakmice.

## **PRAVO NASTUPA, LJEKARSKI PREGLED I ČLANARINA**

### **Član 17.**

Pravo nastupa na utakmicama u kategoriji pionira u takmičarskoj 2020/21. godini imaju svi pravilno registrovani igrači rođeni 01.01.2006. godine i mlađi, ali ne mlađi od 12 godina.

Pravo nastupa na utakmicama u kategoriji kadeta u takmičarskoj 2020/21. godini imaju svi pravilno registrovani igrači rođeni 01.01.2004. godine i mlađi, ali ne mlađi od 14 godina.

Izuzetno, mogu nastupiti i igrači koji su godinu dana mlađi od naznačenih godina, ukoliko su na osnovu specijalnog ljekarskog pregleda proglašeni sposobnim za nastupe na tim utakmicama, ljekarski pregled nadležni registracioni savez unosi u Comet, na osnovu dokaza o obavljenom specijalističkom ljekarskom pregledu, dostavljenom od strane kluba, sa jasno naznačenim rokom trajanja istog.

Na utakmicama mogu nastupiti samo oni igrači koji su uneseni u Comet sistem i koji su proglašeni zdravstveno sposobnim. Svaki igrač koji nastupa u takmičenju mora u Comet-u imati unesen period važenja ljekarskog pregleda i period za koji je uplaćena članarina.

Rok valjanosti ljekarskog pregleda za igrače je četiri (4) mjeseca. Obavljeni ljekarski pregled mora sadržavati obavezujuće elemente koje je propisao Komitet za sportsku medicinu NS/FS BiH. Za igrača koji nema upisan važeći ljekarski pregled u Comet –u, delegat utakmice neće dozvoliti nastup na utakmici.

### **Član 18.**

Na prvenstvenim utakmicama nemaju pravo nastupa igrači koji se nalaze pod suspenzijom, kaznom zabrane igranja i automatskom kaznom zbog tri žuta kartona.

Ukoliko igrač ima automatsku kaznu u jednom uzrastu, nema pravo nastupa u drugom uzrastu isti dan kada mu ističe suspenzija.

Automatsku kaznu zabrane igranja jedne prvenstvene utakmice, nastalu zbog tri žuta kartona, igrač izdržava na prvoj sljedećoj prvenstvenoj, odnosno Kup utakmici.

Igrač koji je upisan u zapisnik utakmice, smatra se da nije nastupio ukoliko nije ušao u igru.

Na prvenstvenim i Kup utakmicama u zapisnik sa utakmice može biti upisano najviše sedam (7) zamjenskih igrača, od kojih u igru može ući najviše pet.

Klub u zapisniku utakmice mora imati najmanje 16 igrača, a ukoliko nema snosit će disciplinske sankcije.

Igrač ne može nastupiti na dvije zvanične utakmice u toku istog dana, tj. prije proteka 24 sata od završetka prve utakmice.

## **DELEGAT NA UTAKMICI I ZAPISNIK**

### **Član 19.**

Delegata na utakmici u takmičenju Premijer omladinske lige BiH U-15 i U-17 određuje Komitet, iz reda delegata Premijer lige BiH, Prve lige FS RS i Prve lige NS F BiH.

Prava i obaveze delegata na utakmici na ovom nivou takmičenja, uređena su odredbama Pravilnika o nogometnim/fudbalskim takmičenjima NS/FS BiH i Propozicijama takmičenja Premijer lige BiH.

Delegat zastupa takmičarsko rukovodstvo i ima vrhovni nadzor na utakmici.

Delegat utakmice je obavezan odmah nakon odigrane utakmice unijeti sve podatke o utakmici u COMET sistem, a iste treba sravniti i zaključiti sudija utakmice sa svojom šifrom.

Delegat utakmice je obavezan odmah po završetku utakmice istu zaključiti putem Fair-playa, a u roku od 24 sati po odigranoj utakmici, sačiniti i zaključiti izvještaj, putem Comet-a, te spiskove igrača podići u Comet sekciju Dokumenti, svoga izvještaja.

Komitet donosi posebno Upustvo o vršenju dužnosti delegata.

## **Član 20.**

Delegat je obavezan da 60 minuta prije početka prve utakmice održi radni sastanak sa predstavnicima klubova i sudijama utakmice. U slučaju potrebe delegat može zatražiti prisustvo i drugih učesnika (predstavnik policije i redarske službe kluba) na radnom sastanku.

Delegat sastavlja zapisnik sa utakmice u prisustvu sudije utakmice i predstavnika klubova. Zapisnik sa utakmice se popunjava elektronski, u COMET sistemu.

## **SUDIJE/SUCI**

### **Član 21.**

Utakmice takmičenja Premijer omladinske lige BiH U-15 i U-17 (pionira i kadeta), mogu voditi sudije sa „A“ i „B“ liste Premijer lige BiH, Prve lige FS RS i Prve lige NS F BiH, Premijer ženske lige BiH, te po potrebi perspektivne sudije sa zvanjem „Savezne kategorije“ nižeg stepena takmičenja.

Prava i obaveze sudija na ovom nivou takmičenja, uređena su odredbama Pravilnika o nogometnim/fudbalskim takmičenjima BiH, Pravilnikom o sudijama i suđenju NS/FS BiH i Propozicijama takmičenja Premijer lige BiH.

## **STADION I TEREN ZA IGRU**

### **Član 22.**

Prvenstvene utakmice U-15 i U-17 Premijer omladinske lige BiH moraju se igrati na terenima od prirodne ili umjetne trave za koju je dat certifikat, koje su verifikovane od strane Ad hoc Komisije NS/FS BiH koju čine predstavnik Komiteta, Komiteta za stadione i bezbjednost i predstavnik Generalnog sekretarijata NS/FS BiH.

Teren za igru, stadioni i uslovi za odigravanje utakmica moraju biti u skladu sa odredbama Pravilnika o nogometnim/fudbalskim takmičenjima BiH, Pravilnika o licenciranju klubova NS/FS BiH i Propozicijama takmičenja Premijer lige BiH i Pravilima nogometne/fudbalske igre (PNI).

## **ZABRANA NASTUPA ZBOG SUSPENZIJE**

### **Član 23.**

Suspendovana ekipa ne može nastupiti na javnoj utakmici sve dok traje suspenzija.

## **ŽALBE**

### **Član 24.**

Žalbe na utakmicu podnose se Komitetu za takmičenje NS/FS BiH koji ih rješava u prvom stepenu.

Žalbe se po svim osnovama moraju najaviti uz obrazloženje, elektronskim putem, telegramski, e-mailom ili faxom koji ima automatski ispis datuma i vremena o najavi žalbe. Najavu žalbe dostaviti u NS/FS BiH u roku od 24 sata po odigranoj utakmici, a pismeno obrazloženje sa dokazom o uplaćenju taksu mora se dostaviti NS/FS BiH u roku od 48 sati po odigranoj utakmici. Za utakmice posljednja dva kola prvenstva, žalbe se najavljuju i dostavljaju u roku od 2 (dva) dana od dana odigravanja utakmice.

Ukoliko rok za ulaganje žalbe ističe u nedjelju ili na državni praznik, rok za ulaganje žalbe se produžava za prvi slijedeći radni dan.

Žalba se dostavlja Komitetu putem Odjela za ligaška takmičenja/natjecanja NS/FS BiH.

Uz žalbu se dostavlja dokaz o uplaćenju taksu u skladu sa odlukom IO NS/FS BiH.

Odluke o podnijetim žalbama na utakmice donose se najkasnije u roku od četrnaest (14) dana od dana prijema žalbe, odnosno pet (5) dana ukoliko se radi o žalbi na utakmicu odigranu u posljednja dva kola prvenstva.

## **TAKSA NA ŽALBU**

### **Član 25.**

Iznos takse na žalbu je 50% od utvrđenog iznosa taksi za Premijer ligu BiH. Taksa se vraća podnosiocu samo ukoliko se žalba u potpunosti usvoji.

### **Član 26.**

Nenajavljene, neblagovremene ili nedovoljno taksirane žalbe neće biti uzete u postupak, već će biti odbačene, a utakmica će biti registrovana postignutim rezultatom.

Pri ocjeni pravovremenosti žalbe uzima se u obzir datum e-maila, poštanskom žigu preporučene pisma ili telegrama, datum na faksu potvrdi o žalbi odaslanom telefaksom ili datum na novčanoj uplatnici.

### **Član 27.**

Žalbe na odluke Komiteta za takmičenje podnose se Apelacionoj komisiji NS/FS BiH u roku od osam (8) dana od prijema pismene odluke.

Za utakmice dva posljednja kola rok za podnošenje žalbe je tri (3) dana. Žalba se podnosi putem Komiteta za takmičenje čija se odluka žalbom pobija.

Odluke o podnijetim žalbama na odluke Komiteta za takmičenje donose se najkasnije u roku od osam (8) dana, a o žalbama podnijetim na utakmice posljednja dva kola u roku od tri (3) dana od dana prijema žalbe.

Žalbe na odluke Disciplinskog komisije podnose se Apelacionoj komisiji u roku od osam (8) dana od prijema pismene odluke.

Protiv odluke Apelacione komisije ne može se uložiti žalba.

### **Član 28.**

U interesu regularnosti takmičenja, organ koji donosi odluke može utvrditi i skraćeni žalbeni postupak.

## **REGISTRACIJA UTAKMICA**

### **Član 29.**

Ako na utakmicu nije uložena žalba, a ne postoje uslovi za registraciju po službenoj dužnosti, utakmicu Komitet registruje postignutim rezultatom.

Ako je prvostepena odluka pravosnažna, ili je donijeta drugostepena odluka koja je konačna, jednom registrovana utakmica ne može biti poništena, izuzev u postupku zaštite zakonitosti Pravilnika o nogometnim/fudbalskim takmičenjima NS/FS BiH.

Komitet vrši analizu i registraciju odigranih utakmica na prvom narednom sastanku, a termin održavanja istog utvrđuju u dogovoru predsjednik Komiteta i Izvršni Direktor Sektora za sport NS/FS BiH.

Izuzetno, Komitet registraciju odigranih utakmica može izvršiti putem e-maila, telefona ili faksa. Verifikaciju registrovanih utakmica vrši Komitet na prvoj narednoj sjednici.

Ako je na utakmicu uložena žalba, rok za registraciju utakmice se produžava do konačne odluke.

## **DISCIPLINSKE SANKCIJE**

### **Član 30.**

O disciplinskim prekršajima klubova, igrača, članova stručnog i tehničkog rukovodstva i funkcionera klubova i službenih lica na utakmici koji učestvuju u takmičenju, odlučuje se na osnovu Disciplinskog pravilnika NS/FS BiH.



## **OBNAVLJANJE LIGE**

### **Član 31.**

Iz Premijer omladinske lige BiH U-15 i U-17 na kraju takmičarske 2020/21. sezone, ispadaju dvije ekipe čiji su seniori ispali iz Premijer lige BiH, a liga se popunjava ekipama klubova koji su stekli pravo takmičenja u Premijer ligi BiH za seniore u takmičarskoj godini 2021/22.

## **UTVRĐIVANJE PLASMANA**

### **Član 32.**

Ekipe koje pobijedi na utakmici, osvaja tri boda, a u slučaju neriješenog rezultata svaka ekipa osvaja po jedan bod.

Plasman klubova na tabeli utvrđuje se prema odredbama člana 46. Pravilnika o nogometnim/fudbalskim takmičenjima BiH.

## **FINASIJSKE OBAVEZE U OKVIRU OVOG TAKMIČENJA**

### **Član 33.**

Shodno odluci Izvršnog odbora NS/FS BiH, klubovi su oslobođeni plaćanja kotizacije za takmičenje u takmičarskoj 2020/2021. godini.

### **Član 34.**

Službenim licima za utakmice Premijer omladinske lige BiH U-15 i U-17 pripada taksa i putni troškovi u skladu sa odlukom IO NS/FS BiH.

### **Član 35.**

Obračun i isplatu troškova službenim licima Premijer omladinske lige BiH U-15 i U-17 će vršiti NS/FS BiH, iz finansijskih sredstava koje obezbjeđuje UEFA za razvoj omladinskog nogometa/fudbala u klubovima BH Telecom Premijer lige BiH.

## **NAGRADE**

### **Član 36.**

Prvaku Bosne i Hercegovine u kategoriji pionira i kadeta dodjeljuju se: pehar i 30 zlatnih medalja.

## **PRELAZNE I ZAVRŠNE ODREDBE**

### **Član 37.**

Za sve što nije predviđeno ovim Propozicijama, važe odredbe Pravilnika o nogometnim / fudbalskim takmičenjima BiH, Pravila nogometne/fudbalske igre, Propozicija takmičenja Premijer lige BiH i drugih propisa i odluka NS/FS BiH, kao i pravila Međunarodnog BOARD-a.

Za tumačenje ovih Propozicija nadležan je IO NS/FS BiH, putem Pravnog komiteta NS/FS BiH.

### **Član 38.**

Propozicije stupaju na snagu danom donošenja, a primjenjuju se za takmičarsku 2020/2021. godinu.

**P R E D S J E D N I K**  
**Elvedin Begić**

Izvršni odbor Nogometnog/Fudbalskog saveza Bosne i Hercegovine, na osnovu člana 35. Statuta Nogometnog/Fudbalskog saveza BiH, na prijedlog Komiteta za takmičenje NS/FS BiH, na sjednici održanoj u Sarajevu, dana 30.06.2020. godine, d o n o s i

### **O D L U K U**

#### **o Kalendaru takmičenja za prvenstvo Premijer omladinske lige BiH – U-15 i U-17, takmičarska 2020/2021. sezona**

#### **JESENJI DIO**

<b>August/ Kolovoz</b>	01/02.08.2020.	1. kolo POL BiH – U-15, U-17		
	08/09.08.2020.	2. kolo POL BiH – U-15, U-17		
	15/16.08.2020.	3. kolo POL BiH – U-15, U-17		
	22/23.08.2020.	4. kolo POL BiH – U-15, U-17		
	29/30.08.2020.	5. kolo POL BiH – U-15, U-17		
<b>Septembar/ Rujan</b>	05/06.09.2020.	6. kolo POL BiH – U-15, U-17		
	12/13.09.2020.	7. kolo POL BiH – U-15, U-17		
	19/20.09.2020.	8. kolo POL BiH – U-15, U-17		
	26/27.09.2020.	9. kolo POL BiH – U-15, U-17		
<b>Oktobar/ Listopad</b>	03/04.10.2020.	10. kolo POL BiH – U-15, U-17		
	10/11.10.2020.	11. kolo POL BiH – U-15, U-17		
	17/18.10.2020.	12. kolo POL BiH – U-15, U-17		
	24/25.10.2020.	13. kolo POL BiH – U-15, U-17		
	31.10./01.11.2020.	14. kolo POL BiH – U-15, U-17		

<b>Novembar/ Studen</b>	07/08.11.2020.	15. kolo POL BiH – U-15, U-17		
	14/15.11.2020.	16. kolo POL BiH – U-15, U-17		
	21/22.11.2020.	17. kolo POL BiH – U-15, U-17		
	28/29.11.2020.	18. kolo POL BiH – U-15, U-17		
<b>Decembar /Prosinac</b>	02.12.2020. <b>srijeda</b>	19. kolo POL BiH – U-15, U-17		

### PROLJETNI DIO

<b>Februar/ Veljača</b>	27/28.02.2021.	20. kolo POL BiH – U-15, U-17		
<b>Mart/ Ožujak</b>	06/07.03.2021.	21. kolo POL BiH – U-15, U-17		
	13/14.03.2021.	22. kolo POL BiH – U-15, U-17		
	20/21.03.2021.	1. kolo Elitna liga – U-15, U-17 1. kolo Razvojna liga – U-15, U-17		
	27/28.03.2021.	2. kolo Elitna liga – U-15, U-17 2. kolo Razvojna liga – U-15, U-17		
<b>April/ Travanj</b>	03.04.2021.	3. kolo Elitna liga – U-15, U-17 3. kolo Razvojna liga – U-15, U-17		
	10/11.04.2021.	4. kolo Elitna liga – U-15, U-17 4. kolo Razvojna liga – U-15, U-17		
	17/18.04.2021.	5. kolo Elitna liga – U-15, U-17 5. kolo Razvojna liga – U-15, U-17		
	24/25.04.2021.	6. kolo Elitna liga – U-15, U-17 6. kolo Razvojna liga – U-15, U-17		

<b>Maj/ Svibanj</b>	01/02.05.2021.	7. kolo Elitna liga – U-15, U-17 7. kolo Razvojna liga – U-15, U-17		
	08/09.05.2021.	8. kolo Elitna liga – U-15, U-17 8. kolo Razvojna liga – U-15, U-17		
	15/16.05.2021.	9. kolo Elitna liga – U-15, U-17 9. kolo Razvojna liga – U-15, U-17		
	22/23.05.2021.	10. kolo Elitna liga – U-15, U-17 10. kolo Razvojna liga – U-15, U-17		

**PREDSJEDNIK  
Elvedin Begić**